

陝西三原縣志輯

三原縣志集成

道光石泉縣志
道光寧陵縣志
道光寧陽縣志
民國三原縣志(一)

陝西府縣志輯 ⑤⑥

石泉縣誌序

興郡南與楚蜀接壤其北接省垣西接漢中則石泉其孔道也邑舊有誌自嘉慶初年教匪蹂躪平定之後文憲消磨余赴任抵石境之銀杏壩行館邑令舒公魯一以新纂誌稿兩卷示余且囑為序予於肩輿中盡一日之力披閱數遍乃知魯一之留心吏治無負厥職其前之著名省會為善嶽獄者為不虛也古人云治公事當如治家事家事不知家何以齊故善治邑者必留心於邑誌况邑久無誌則此舉其可已乎誌分四卷其事詳而文覈與康對山之武功志足相頡頏而人物門之揚微闡幽事宜門之因時

石泉縣志

卷之二

一

制宜則尤關政事之大者魯一以好惡同民為志其所志推而廣之可以治國可以平天下矣豈獨一邑而已哉

道光二十九年歲次己酉九月立冬後二日署興安府事

閩中劉建韶序

石泉縣志序

石泉古邑也而志乘闕如明志燬於兵燹無由得覽惟國朝康熙時邑人張峻蹟所修僅存抄本亥豕魯魚訛以傳訛迄今又百餘年矣何文獻之無徵也 於戊申承乏斯邑當時接辦城工日昃不遑既藏事爰謀是舉而舊志又以疎訛頗多難於依據乃取府志而搜輯之且採之紳耆所傳參之史氏所載八閱月而成地理紀其大者建置紀其要者祠祀紀其正者田賦核實而物產昭焉戶口分鄉而保甲寓焉循良濟濟著於官師企前賢也科第寥寥存其選舉厲後進也人物就地而論亦有不可沒者其例悉

石泉縣志

卷之二

一

遵府志藝文無多因仿武功志隨事載入至史事節錄事宜附錄其非志例之謂謂夫覽山川之險夷建置之廢興以及賦役之多寡稅課之因革人心風俗之貞淫莫不因時易宜以為政治之本傳曰民之所好好之民之所惡惡之未有不好治而惡亂者未有不好善而惡惡者今治亂詳於史事善惡著於事宜不更為政治之一助乎是志也亦惟志其所志而已矣若夫潤色裁成以俟後之君子是為序

道光二十九年歲次己酉秋九月重陽前一日知石泉縣

事成紀舒鈞魯一氏識於退思補過之軒

石泉縣志總目錄

卷一

疆域全圖

城圖

地理志第一

建置志第二

祠祀志第三

卷二

田賦志第四

戶口志第五

石泉縣志 目錄

官師志第六

卷三

選舉志第七

人物志第八

卷四

史事節錄


事宜附錄

石泉縣志



疆域全圖

石泉縣志 疆域全圖


疆域全圖



城



圖



疆域路程

縣治在興安府西北東至草溝界漢陰廳高粱舖六十里
 南至麥子坪界西鄉筭角場八十里西至饒風界西鄉良
 心河七十里北至銀杏壩界寧陝獅子壩九十里至府陸
 程二百七十里水程五百六十里至省由漢中大路二千
 一百三十里由寧陝至省六百二十里即子午峪路

石泉縣志

地理志第一

知縣舒 鈞重輯

夫石泉古庸人之國也地濱漢水在周之南周室東遷楚滅庸至於石溪遂兼其地秦列天下為郡縣為漢中郡地漢為安陽縣地蜀漢時為西城郡地晉置為晉昌郡治長樂新興吉陽東關三縣隸焉宋省郡改為長樂縣屬魏興郡齊改為安樂縣梁復立為晉昌郡西魏改郡曰魏昌縣曰石泉又析置魏寧縣周武成三年魏昌郡移理東陽川仍併所領諸縣為永樂一縣復改名石泉保定三年廢魏

石泉縣志

卷之一

地理志

一

昌郡移石泉縣理郡城即今治也隋屬西城郡唐武后聖歷元年改為武安神龍元年復故名大歷六年省入漢陰永貞元年復置五代及宋仍唐舊隸金州元改為巡檢司明洪武三年置縣屬四川大寧州五年復屬金州十年以漢陰省入石泉後復置漢陰縣嘉靖二十八年改隸漢中府萬曆二十四年仍屬興安州 本朝因之屬興安府乾隆五十年分五郎關置寧陝廳火帝嶺以北屬焉縣廣一百三十里袤一百七十里東界漢陰南界西鄉西界西鄉北界寧陝東北東南俱界漢陰西北界寧陝西南界西鄉舊志云石泉當秦楚之交在井鬼之分翼之一度柳之三

度建縣之地亥龍入首南帶漢水北枕雲岡東有遲河紅河西有繪溪左溪蓋古形勝之國秦楚之要津也治凡八里名見戶口志

舊志所載山川統寧陝之界在內茲不載載其今有者

石泉在城南江岸鑿石為泉其水清冽縣因以得名或云即古石溪也

漢水從西鄉之茶溪鎮入縣西南界左溪河南流注之繪

溪河北流注之又東經白虎石在城南饒風河會大壩河珍

珠河東流入焉又東經青龍石在城南紅河南流入之又東

經蓮花在城南遲河西流入之折而南流大小柳溪水東流注

石泉縣志

卷之一

地理志

二

之又東至漢陽坪入漢陰界舊志漢江晚渡為八景之一

按漢水從茶溪鎮入縣境至漢陽坪出境計水程一百

三十餘里兩山夾流其石甕有二處一在蓮花石一在

梅湖雙峯對峙中流僅通舟楫近因山中開墾既遍每

當夏秋漲發之際洪濤巨浪甚於往日下流壅塞則上

游泛濫沿江居民沈寗產蛙亦其常矣道光二年八月

大雨彌旬石甕為木筏橫梗水洩不及洶湧澎湃而大

壩饒風珍珠河之水障於城西紅河之水障於城東諸

水混一茫無際涯數十里皆成澤國城亦崩陷傾圮東

西關房屋且漂沒無存為從來未有之災或以為起蛟

見龍蓋附會之說也

仙鶴崖在縣南二里漢江南岸相傳昔有雙白鶴集此因名

十八盤山在縣南五里盤曲十八折乃達其巔

銀屏山在縣南八里奇峯突兀高出雲表有銀礦明萬歷間遣內使開採旋以百姓不便禁閉今名銀洞山舊志銀屏秋月為八景之一

關頭山在縣西二里山勢雄壯上多草坡農人以為牧厰舊志關頭牧笛為八景之一

枯柳洞即紅崖洞在縣西五里高二丈有奇曲折三梯緣梯而上煙壑窈窕雲氣縈帶薜蘿澗瀑篁筠蔚洞中石

臺石爐石甕豆杯等之類皆出天成洞前水田千畝風景殊佳明有胡載道者河南進士官四川監軍過石嘆曰

此真仙境也遂棄官寓於此洞煉丹沙之術丹成尸解去二郎洞在縣西八里洞傍石上俗傳有觀音手膝印迹

古源河在縣西十里南山之麓有大石方圓數畝上建廟宇前有石澗一道灌田者引饒風河水從此過每河水漲

發以一石塞口水不能冲亦泥不能淤真天成之堰也與

金鈴崖在古源洞北山麓危石上建魁星樓四角懸鈴印

明郝泰議認父處泰議之父元末避亂逃山中其母撫之成進士赴官過石驛夫中共父處焉母識之亦奇遇也至舊志載夢神錫金鈴事則涉於荒誕矣

堰頭山在縣東南五里漢江南岸其下為淹灘其堰為長安堰

石磨溝在縣東南十五里漢江南岸冬月漁人作梁其間列椿如柱鳴榔擊汰欸乃互答舊志石磨漁梁為八景之一

霹靂峯在縣西三十里一峯插天饒風河繞其下舊志霹靂神峯為八景之一錄詩十一首

登霹靂峯 明巡按傅振高

捫蘿登霹靂天柱引蜉蝣蛟室圍瑤草龍沙走石頭風煙開白日冠蓋列丹邱他日重經馬山川總舊遊

霹靂峯十絕 明巡按孫曠

誰削天關石柱成仍教霹靂定峯名含風迴日孤容靜時聽輕雷落澗聲

石峯千仞插雲霄縹緲仙宮日月標萬里長風動松桂清傳碧玉洞中簫

峻壁巖崑崙玉殿孤半空蒼翠即蓬壺等閒不許一塵到蘿月松風任有無

流水高山元氣分雷轟石拆此傳聞我來春日觀靈境芝
草松花抱五雲

孤嶂春煙翠欲重元天金殿坐芙蓉朱簷風起愁旌旆繡
拱雲飛動赤龍

玉台積翠在中天雲日暉輝武廟前立馬東風嘆奇絕數
家松火隔流泉

碧亭高構白雲岫盤石垂蘿仄徑孤欲借休休題名榜潤
譏巖詩愧塵途

翠削芙蓉簇碧空行雲行雨自元宮百花香裏經過處別
有乾坤入望中

石淙聲徹紫霞峯沙色波光走黑龍峯頂元關原瑞氣錯
教指點屋樓逢

隔溪花徑繞天臺香霧祥嵐向日開何事紅塵拂客面風
縹不入亂雲堆

天池山在縣西四十里山上有池大可三四畝內產紅白
二蓮若開並蒂則邑有祥瑞舊志天池瑞蓮為八景之一

煙波洞在縣西南六十五里漢水之濱峻壁懸崖其下為
洞深不可測中有靈湫旱禱輒應相傳燃薪洞中其煙透

於天池山下小洞舊志煙波靈洞為八景之一
父子嶺在縣西南六十里一名孝子嶺

饒風嶺在縣西七十里昔有關置此上建宋將軍吳玠碑

又有楊從義射虎石嶺南枕漢江與西鄉接壤險峻倚天
石徑盤紆為秦楚蜀往來必由之路宋金爭戰此為雄關

道光十二年為水所冲路遂廢改從西鄉之茶溪鎮舊志
饒峯古壘為八景之一錄詩一首

饒風嶺 孫曠

雄關西峙衛山城頭枕漢江正練明想見黃柑遺敵處松
風猶作戰呼聲

祖溪關即展龍垵在饒風嶺北四十里宋吳玠小校奔金
導以間路攻饒風關即由此進

石泉縣志 卷之一 地理志 六
仙女洞有二一在縣西百里山林深遠人跡罕及中有池
方畝許一在縣北七十里香爐溝崖上一石當門怪若龍

頭洞中有蓮花石盆禱雨輒應
鷹嘴崖在縣西南五十里

雲霧山在縣西北六十里上有佛殿佛座下有泉雲霧四
時不散有石洞供鬼谷子像或云為修煉處或云為遊歷

處洞不甚高而深不可測歲旱祈禱投石於中即有風從
洞出風止即雨相傳山上有一鐵棺時隱時現又有一鷄

鳴處其田朝種晚收蓋皆無稽之談然其山高出眾山之
上實為一縣主山俗於九月初一至初十日遠近燒香絡

繹不絕語言嫵輒獲咎譴其靈異殆與郿之太白相仿矣山下之水爲斜峪河

五攢山在縣北五十里山有五峯相聚一名五全山河之源出焉

青礪在縣南六十里爲山南一帶入縣總道

魚洞在縣南山下深不可測每年穀雨洞中有魚簇擁而出

黃石山在縣南百里有藥王廟

香栢崖在縣東南八十里漢水之南懸崖峭壁人不能到

風落乾枝檢而蕪之其香勝於沈檀

石見縣志卷之一

地理志

七

馬盆在縣東三十五里路徑崎嶇紆迴盤繞有九里十八灣行人如在天際杜詩云路危行木杪身遠宿雲端真有此種景况

楊家山在縣西北一百二十里乾隆初林木漸開有洞居數人像貌蒼古皆百餘歲言明季避亂至此衣鳥獸之皮

食草木之實不問世爲何世蓋將百年矣後莫知其所終

雨花山在縣北七十里其水爲湘子河

空洞山在縣東北四十里昔牧人覓牛入洞盡日而返莫

知其極

火帝嶺在縣北八十里通子午谷爲入省捷徑

黃龍洞在縣西九十里深十丈有奇相傳昔有黃龍起於其中

青龍洞在縣西北一百里深十餘丈唐太宗十六年金州言青龍見相傳起於此洞洞口隈隩僅容一人行數武漸

潤石窗明淨中有清泉深不可測天旱禱雨即應邑令莊

成鼎立祠祀之

插鼓臺在縣西一百三十里山峰秀峙雲樹叢龍夜半時

聞插鼓之聲俗訛爲滾鼓臺舊志附會劉封事殊爲無稽

不足錄也

青草關在縣西北一百二十里兩峯環抱雙水交流石磴

地理志

八

絕壁迥出雲霄川陝諸路之鎖鑰也道中有古井相傳爲秦時所掘

按地輿紀勝石泉有真山今此山無考而水經注有直谷縣境亦有直水則真山疑卽直山之訛也

饒風河源出饒風嶺之毛家河合蒲溪啓家河諸水逕饒

風塘從西而來穿古源洞會大壩河珍珠河於關頭山下

入漢其堰爲興仁堰

大壩河源出雲霧山之西眾泉湧出流三十餘里聚於龍

洞溝又東南流二十餘里合火帝嶺之紙房溝水至銀杏壩爲大壩河又逕銅阡峽流六十餘里會饒風河南流入

石泉縣志

知縣舒 鈞重輯

地理志第一

夫石泉古庸人之國也地濱漢水在周之南周室東遷楚滅庸至於石溪遂兼其地秦列天下為郡縣為漢中郡地漢為安陽縣地蜀漢時為西城郡地晉置為晉昌郡治長樂新興吉陽東關三縣隸焉宋省郡改為長樂縣屬魏興郡齊改為安樂縣梁復立為晉昌郡西魏改郡曰魏昌縣曰石泉又析置魏寧縣周武成三年魏昌郡移理東陽川仍併所領諸縣為永樂一縣復改名石泉保定三年廢魏石泉縣志

昌郡移石泉縣理郡城即今治也隋屬西城郡唐武后聖歷元年改為武安神龍元年復故名大歷六年省入漢陰永貞元年復置五代及宋仍唐舊隸金州元改為巡檢司明洪武三年置縣屬四川大寧州五年後屬金州十年以漢陰省入石泉後復置漢陰縣嘉靖二十八年改隸漢中府萬歷二十四年仍屬興安州 本朝因之屬興安府乾隆五十年分五郎關置寧陝廳火帝嶺以北屬焉縣廣一百三十里袤一百七十里東界漢陰南界西鄉西界西鄉北界寧陝東北東南俱界漢陰西北界寧陝西南界西鄉舊志云石泉當秦楚之交在井鬼之分翼之一度柳之三

度建縣之地亥龍入首南帶漢水北枕雲岡東有遲河紅河西有繪溪左溪蓋古形勝之國秦楚之要津也治凡八里 里名見戶口志

舊志所載山川統寧陝之界在內茲不載載其今有者石泉在城南江岸鑿石為泉其水清冽縣因以得名或云即古石溪也

漢水從西鄉之茶溪匯入縣西南界左溪河南流注之繪溪河北流注之又東經白虎石在城西南饒風河會大壩河珍珠河東流入焉又東經青龍石在城東南紅河南流入之又東經蓮花石在城東南遲河西流入之折而南流大小柳溪水東流注

之又東至漢陽坪入漢陰界舊志漢江晚渡為八景之一按漢水從茶溪鎮入縣境至漢陽坪出境計水程一百三十餘里兩山夾流其石甕有二處一在蓮花石一在梅湖雙峯對峙中流僅通舟楫近因山中開墾既遍每當夏秋漲發之際洪濤巨浪甚於往日下流壅塞則上游泛濫沿江居民沈竈產蛙亦其常矣道光二年八月大雨彌旬石甕為木筏橫梗水洩不及洶湧澎湃而大壩饒風珍珠河之水障於城西紅河之水障於城東諸水混一茫無際涯數十里皆成澤國城亦崩陷傾圮東西關房屋且漂沒無存為從來未有之災或以為起蛟

見龍蓋附會之說也

仙鶴崖在縣南二里漢江南岸相傳昔有雙白鶴集此因名

十八盤山在縣南五里盤曲十八折乃達其巔

銀屏山在縣南八里奇峯突兀高出雲表有銀礦明萬歷間遣內使開採旋以百姓不便禁閉今名銀洞山舊志銀屏秋月為八景之一

關頭山在縣西二里山勢雄壯上多草坡農人以為牧厰舊志關頭牧笛為八景之一

枯柳洞即紅崖洞在縣西五里高二丈有奇曲折三梯緣

梯而上煙壑宵窳雲氣縈帶薜蘿澗瀑篁筠蔚洞中石

臺石爐石甌豆杯學之類皆出天成洞前水田千畝風景殊佳明有胡載道者河南進士官四川監軍道過石嘆曰

此真仙境也遂棄官寓於此洞煉丹沙之術丹成尸解去二郎洞在縣西八里洞傍石上俗傳有觀音手膝印迹

古源洞在縣西十里南山之麓有大石方圓數畝上建廟宇前有石澗一道灌田者引饒風河水從此過每河水漲

發以一石塞口水不能冲亦泥不能淤真天成之堰也與仁崖鑄古源洞口四大字字跡最古亦無年月可考

金鈴崖在古源洞北山麓危石上建魁星樓四角懸鈴印

明邨叅議認父處叅議之父元末避亂逃山中其母撫之成進士赴官過石驛夫中共父處焉母識之亦奇遇也至舊志載夢神錫金鈴事則涉於荒誕矣

堰頭山在縣東南五里漢江南岸其下為淹灘其堰為長安堰

石磨溝在縣東南十五里漢江南岸冬月漁人作梁其間列椿如柱鳴榔擊汰欸乃互答舊志石磨漁梁為八景之一

霹靂峯在縣西三十里一峯插天饒風河繞其下舊志霹靂神峯為景之一錄詩十一首

登霹靂峯 明邨按 傅振南

捫蘿登霹靂天柱引蜉蝣蛟室圍瑤草龍沙走石頭風煙開白日冠蓋列丹邱他日重經馬山川總舊遊

霹靂峯十絕 明邨按 孫曠

誰削天關石柱成仍教霹靂定峯名含風迴日孤容靜時聽輕雷落澗聲

石峯千仞插雲霄縹緲仙宮日月標萬里長風動松桂清傳碧玉洞中簫

峻壁巖從玉殿孤半空蒼翠即蓬壺等閒不許一塵到蘿月松風任有無

流水高山元氣分雷轟石折此傳聞我來春日觀靈境芝
草松花抱五雲

孤嶂春煙翠欲重元天金殿坐芙蓉朱簷風起愁旌旒繡
拱雲飛動赤龍

玉台積翠在中天雲日暉暉武廟前立馬東風嘆奇絕數
家松火隔沆泉

碧亭高構白雲岬盤石垂蘿仄徑孤欲借休休題名榜瀟
譏巖詢愧塵途

翠削芙蓉簇碧空行雲行雨自元宮百蕊香裏經過處別
有乾坤大望中

石泉縣志 卷之一

四里志

五

石淙聲徹紫霞峯沙色波光走黑龍峯頂元關原瑞氣錯
教指點巖樓逢

隔溪花徑繞天臺香霧祥嵐向日開何事紅塵拂客面風
縈不入亂雲堆

天池山在縣西四十里山上有池大可三四畝內產紅白

二蓮若開並蒂則邑有祥瑞舊志天池瑞蓮為八景之一
煙波洞在縣西南六十五里漢水之濱峻壁懸崖其下為

洞深不可測中有靈湫旱禱輒應相傳燃薪洞中其煙透
於天池山下小洞舊志煙波靈洞為八景之一

父子嶺在縣西南六十里一名孝子嶺

饒風嶺在縣西七十里昔有關置此上建宋將軍吳玠碑

又有楊從義射虎石嶺南枕漢江與西鄉接界險峻倚天
石徑盤紆為秦楚蜀往來必由之路宋金爭戰此為雄關

道光十二年為水所冲路遂廢改從西鄉之茶溪鎮舊志
饒峯古壘為八景之一錄詩一首

饒風嶺

孫曠

雄關西峙衛山城頭枕漢江正練明想見黃柑遺敵處松
風猶作戰呼聲

祖溪關即展龍壩在饒風嶺北四十里宋吳玠小校奔金
導以間路攻饒風關即由此進

石泉縣志 卷之一

四里志

六

仙女河有二一在縣西百里山林深遠人跡罕及中有池

方畝許一在縣北七十里香爐溝崖上一石當門怪若龍
頭洞中有蓮花石盆禱雨輒應

鷹嘴崖在縣西南五十里

雲霧山在縣西北六十里上有佛殿佛座下有泉雲霧四
時不散有石洞供鬼谷子像或云為修煉處或云為遊歷

處洞不甚高而深不可測歲旱祈禱投石於中即有風從
洞出風止即雨相傳山上有一鐵棺時隱時現又有一鷄

鳴處其田種晚收蓋皆無稽之談然其山高出眾山之
上實為一縣主山俗於九月初一至初十日遠近燒香絡

繹不絕語言嫚褻輒獲咎譴其靈異殆與郿之太白相仿矣山下之水爲斜峪河

五攢山在縣北五十里山有五峯相聚一名五全山紅河之源出焉

青碛在縣南六十里爲山南一帶入縣總道

魚洞在縣南山下深不可測每年穀雨洞中有魚簇擁而

出

黃石山在縣南百里有藥王廟

香栢崖在縣東南八十里漢水之南懸崖峭壁人不能到

風落乾枝檢而蒸之其香勝於沈檀

石泉縣志

卷之二

地理志

七

馬道在縣東三十五里路徑崎嶇紆迴盤繞有九里十八灣行人如在天際杜詩云路危行木杪身遠宿雲端真有

此種景况

楊家山在縣西北一百二十里乾隆初林木漸開有洞居

數人像貌蒼古皆百餘歲言明季避亂至此衣鳥獸之皮

食草木之實不問世爲何世蓋將百年矣後莫知其所終

雨花山在縣北七十里其水爲湘子河

空洞山在縣東北四十里昔牧人覓牛入洞盡日而返莫

知其極

火帝嶺在縣北八十里通子午谷爲入省捷徑

黃龍洞在縣西九十里深十丈有奇相傳昔有黃龍起於其中

青龍洞在縣西北一百里深十餘丈唐太宗十六年金州言青龍見相傳起於此洞洞口隈隩僅容一人行數武漸

潤石窗明淨中有清泉深不可測天旱禱雨卽應邑令莊

成鼎立祠祀之

插鼓臺在縣西一百三十里山峰秀峙雲樹叢龍夜半時

間播鼓之聲俗訛爲滾鼓臺舊志附會劉封事殊爲無稽

不足錄也

青草關在縣西北一百二十里兩峯環抱雙水交流石磴

石泉縣志

卷之二

地理志

八

絕壁迥出雲霄川陝諸路之鎖鑰也道中有古井相傳爲秦時所掘

按地輿紀勝石泉有真山今此山無考而水經注有直

谷縣境亦有直水則真山疑卽直山之訛也

饒風河源出饒風嶺之毛家河合蒲溪啓家河諸水逕饒

風塘從西而來穿古源洞會大壩河珍珠河於關頭山下

入漢其堰爲興仁堰

大壩河源出雲霧山之西眾泉湧出流三十餘里聚於龍

洞溝又東南流二十餘里合火帝嶺之紙房溝水至銀杏

壩爲大壩河又逕銅阡峽流六十餘里會饒風河南流入

漢其堰為高田堰

珍珠河源出雲霧山之馬蝗嶺南流至縣西會饒風河大壩河入漢其堰為七里堰

遲河即直水源出寧陝廳之腰竹嶺逕鎮安縣界流入迎風溝為上遲河又南流為中遲河又東南流為前遲河又折而西流至蓮花石入漢縣境諸水漢江而外惟此水來源最遠見於水經注其各為直谷以筒車引水資灌漑焉今訛為池河

筒車之制以竹二丈四尺者二十四根中橫木軸以竹為輻分軸兩肩穿入而交其末為輪狀每二竹未縛一

石泉縣志

卷之二

地理志

九

竹筒每筒後加一竹芭乃豎木安此車於渠上引水急流下邊插入水面水激竹芭則車自轉動上邊筒旁高架木槽接水入田間每一車灌田一頃不煩人力可奪天巧近有以木為之者雖較竹堅好然不如竹之省約蓮花石在縣東三十里漢江岸上石色碧綠簇擁而出於水中千奇萬狀有類削成即鳳凰山之起處鳳凰為漢陰名山綿亘三百餘里安康為尾此其頭也

龍湫在縣南五十里漢水南岸其深莫測旱禱有應

附考寰宇記梁武帝立晉昌郡治王水口九域志王水在縣西通志云今此水無考按城西即大壩饒風珍珠

三河入漢之處亦名三河口今治城為晉昌郡舊治三

河口或即干水口抑王字為三字之訛歟

直城故址在池河堡縣東五十里城築直谷口其遺址尚存者

按五代史安康縣蕭嘗時改直州因直城為名通志云故城在今漢陰縣西當即此而水經注謂漢水合直水東逕直城南又東逕漢陽灤口今直水逕直城而西十里始與漢合水經所指或是魏寧故城又東為漢陽坪矣

魏寧城故址在梅湖街縣東南九十里其地為入川要津

石泉縣志

卷之二

地理志

十

古漢陰縣在石泉縣東南一百二十里漢水之南

按宋史紹興二年漢陰縣遷治新店漢陰志亦云舊治

在今石泉界宋皇祐四年沒於漢水此其遺址也

風俗舊志云石泉土著寥寥四方商放聚而成族其間冠婚喪祭之儀歲時伏臘之習各不相同互相揶揄矣以今觀之有不然者其始雖或殊俗而生長於茲既歷數紀習尚口音亦與關中相仿大約樸畧無文男尚耕作女勤織紡又不事逐末猶有古處遺風此則風俗之不同而同者亦以見書車一統二百餘年承平之盛焉

按石泉之稱上庸由來舊矣而於此地無考漢建安二

十年張魯降魏魏分漢中之安陽西城爲西城郡置太守分錫縣上庸郡置都尉二十四年蜀遣劉封孟達取上庸其後蜀魏相爭或置或廢不一其處故湖北之鄖西竹山房縣與石泉俱稱上庸今據史所載魏上庸郡當在湖北而石泉之稱上庸或蜀於孟達降魏後僑治於此耳姑存其說以俟博雅君子

建置志第二

城池通志云石泉依山阻水舊無城池明成化十七年知縣張翔築東北城覆以甃石正德四年副使來天球令四面築城周三里以禦蜀寇十三年知縣盧綉復加完繕此石泉建城之始也然城臨漢濱漲發之時四圍皆水以故尋築尋圯萬曆時知縣杜珏重修乃以石爲基以磚爲墻堞門四建樓各三層

國朝定鼎崇佺依然乾隆三十七年知縣李照遠始改修北門爲炮臺而城於是止有東西南三門矣嘉慶初川楚之亂石設糧臺朱迺然李樞煥各領公項補修其後漸次

頽廢道光二年邑大水城垣傾圮崩塌二十四年知縣慕維城勸捐重修二十八年知縣舒鈞完工城圍二里二百五十二步南門迤東水冲舊址二丈有餘故今城不足三里高一丈五尺門三皆如舊新設小南門一東門上建魁星樓三層南北西各建樓一層城通身皆石石上以灰土合築外加甃堞江邊石堤二道底挖掘至實際下石丈餘高復丈餘計共長二百一十二丈

按城建於高阜之上堤在南城下俱以石修女牆以甃修工糜累萬爲民商所捐辦始於甲辰成於戊申月日皆吉其紳士有貢生陳亮采任鼎舉人彭齡職員邱啓

文朱啓圖鄔英鈺劉國璽余天肇邱本孝皆始終其事
考故附錄之

縣署在城內正中北抵城西抵典史廳東抵書院明洪武
六年建 本朝康熙五十三年燬於火漸次修理大門三
楹儀門三楹大堂二堂三堂各三楹

典史廳在縣署儀門之西其前為囹圄

按邑明有主簿後改饒風巡檢司故廳稱三衙今稱廳猶如故

儒學在文廟之西明洪武四年始設教諭後改訓導原額
入學八名康熙各二十名兩年一貢乾隆四十七年興安
改府撥學一廩增各二安康三五十一年又撥寧陝學一於

石泉縣志 卷之一 建置志

是縣學六名廩增各十五名矣遂不足額武亦同

泮廳在東門內道光二十九年經制王清輝重修

書院在縣治東即察院地乾隆時改修石城書院今為銀
屏書院

屏書院

常平倉在縣署東貯京斗稻穀二萬石

社倉在西門內雍正七年岳鍾奇奏設以耗羨徵存應減
之銀買穀分社耗羨向加二徵收雍正五年減石泉原設四處一在縣城

一在池河一在柳溪一在饒風共貯京斗稻穀七千五百

石嘉慶初倉被賊焚民欠糧悉經豁免道光二十六年買

補三千石復立社倉而分貯十六鄉矣

義倉在縣署西道光二十四年置貯京斗稻穀一千石前
興安府白名維清請於大憲撥省垣廣備倉之項為樂屬
置義倉石泉之有義倉自此始

養濟院在城西嘉慶元年典史范繼昌倡修西廩房三間
七年知縣李樞煥捐修東廩房三間道光二十八年典史
倪柱勸捐重修

義學一在前池河文昌宮嘉慶年歲貢張振先庠生李煜
倡捐建設一在鳳陽臺集義書院道光二十八年江耀先
方致誠等倡捐建設知縣舒鈞示立條規且為之記

學以義名義舉也在通都大邑可不必設何者人知讀書
石泉縣志 卷之一 建置志

也在窮鄉僻壤不可不設何者人不知讀書也即間有欲
知讀書之人而無力延師又不能讀書於是一村之中目

不識丁者十人而九字且不識又焉知孝弟廉讓為何事

聖賢傳為何語耶不知孝弟廉讓為何事於是耨鋤德

色同室操戈器械成風鄉鄰有鬪甚且釀為悖逆矣不知

聖賢傳為何語於是習於鄙俚不堪之言肆夫荒誕無

稽之說甚且流於邪教矣此民興由於經正而君子所貴

反經也石邑僻介萬山鳳陽臺地方尤在石邑之山中延

師讀書較他處為更難前蒙大憲諭各處設立義學即有

善士江耀先方致誠等聞風興起各捐資若干營放生息

越十餘年積資若干續捐資若干至道光二十八年乃建學舍延師儒設經館一蒙館一名之曰集義於是欲讀書而無力者皆忻忻然使其子弟來學矣夫聖經賢傳之語無非孝弟廉讓之事上者讀書固好下者識字亦佳童而習之知孝弟二字必不至不孝不弟知廉讓二字必不至不廉不讓卽學徒之若父若兄日與蒙師相親或豆棚秋語或茅雨夜談得聞聖賢言語不更足潛移默化乎况大十室之邑必有忠信子弟之佳者從此而登科及第蔚然爲國家菁莪棫樸之材父兄有榮施焉鄉里亦與有榮施焉是則余之所厚望也爰列條規於後

不具舉

卷之二

建置志

七五

一館師宜慎也經館之師選擇須嚴該首士畱心採訪無論本地舉貢生員及外來紳士必擇立品端方學有根柢者延之爲師至蒙館卽於附近生員儒士內慎選誠樸自好不與外事者該首士隨時稽查如虛糜修脯情於督課或不安本分唆訟滋事立即另行延請

一延師宜定章程也義學開館均於開印前後擇吉入學十二月中旬散館脩金按月支送非過事苛刻也緣塾師不無更易一經透支則脩脯既虧學將中廢不得不從長計議定以限制至設立義學原爲教訓子弟並非以館穀作人情地方官亦不得薦人主講惟每歲於開館之時須

稟明今歲經館延請某士蒙館延請某士以便稽查

一化誨宜廣也課詩課文須定有日期並令館師將存心立品居家治事之道隨時指點切加勸戒至於童蒙則課讀而外必訓以拜跪坐立之禮儀孝弟廉恥之大端每逢朔望館師率領各徒以次序立拜謁至聖次拜館師次令各徒交相拜揖畢將 聖諭廣訓明白講解令各學徒環立聽講並許該耆老民人齊集聽講

一田租宜秉公經理也義學租田既經衆士捐入應聽首士招佃取租不許原捐業主經手其佃戶卽與義學另具租約填明田畝坐落坵數租斗數目如佃戶逞刁抗欠許

不具舉

卷之三

建置志

六

稟官究追至經理田租首士必須公舉正人不得私相授受且每節後開列賬目卽在義學同衆人清算開銷若干存餘若干倘秋成尙遠館師不能枵腹課讀該首士如有墊送許於租內歸還但不得加息以杜侵蝕之漸

市集在縣方內者十而縣不論最大者前池河饒風銀杏壩十壩其餘油房坎三官廟迎風溝兩河梅湖新場舖戶十數家而已

公館一在前池河一在銀杏壩俱道光二十四年地方公置一在饒風嶺卽巡檢司舊署

官渡在西門外漢水之上卽西渡也